



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի օգնականների
դասավանդման հմտությունների զարգացման ապահովում» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ ՀՀ Արարատի մարզի Փոքր Վեդու Մարգար Հովհաննիսյանի անվան
միջնակարգ դպրոց

Թեմա՝ Չափորոշիչները գործողության մեջ. Ձեռքբերումներ և
դժվարություններ

Վերապատրաստող՝ Մարինե Զարոյան

Ուսուցիչ՝ Անի Մարգարյան

Արարատ 2024

Բովանդակություն

Ներածություն-----1

ԳԼՈՒԽ 1: Չափորոշիչները գործողության մեջ-----2

ԳԼՈՒԽ 2: Գիտելիքների համակարգ-----7

Եզրակացություն-----14

Օգտագործված գրականության ցանկ-----15

ՆԵՐԱԾՈՒԹՅՈՒՆ

Սույն հետազոտության նպատակն է հանրակրթության պետական չափորոշիչ, առարկայական չափորոշիչների անհրաժեշտ վերանայումների կարիքի գնահատումը:

Հետազոտության շրջանակն ընդգրկել է կրթակարգի ձևավորման, բովանդակային և յուրացման խնդիրները:

Հանրակրթության պետական կրթակարգը, հանրակրթության պետական չափորոշիչը, առարկայական չափորոշիչները և ծրագրերը դիտարկվում են որպես հանրակրթության որակի ձևավորման և ապահովման կրթական համալիր քաղաքականություն:

Ի՞նչ է չափորոշիչը:

ԳԻՏԵԼԻՔՆԵՐԻ և ԿԱՐՈՂՈՒԹՅՈՒՆՆԵՐԻ նկարագրություն, որը պետք է սովորեցնել աշակերտին դպրոցում: Դպրոցը պարտավոր է ապահովել չափորոշչով պահանջվող գիտելիքների և կարողությունների ուսուցմանը:

Հետազոտական աշխատանքի նպատակն է հանրակրթական պետական չափորոշիչ, առարկայական չափորոշիչների անհրաժեշտ վերանայումների կարիքի գնահատումը:

Հետազոտական աշխատանքի խնդիրներն են՝

ուսումնասիրել ի՞նչ է փոխում հանրակրթական նոր չափորոշիչը

բացահայտել ի՞նչ բնութագրիչներով է որոշվում գիտելիքների համակարգը:

Թեմայի արդիականացումը կայանում է նրանում, որ ներկայիս հանրակրթական պետական կրթակարգը հնարավորություն է ընձեռում չբացառելով մյուս բնութագրիչների դերը ընդունել գիտելիքի կիրառելիությունը, կառուցելիությունը և հասանելիությունը:

ԳԼՈՒԽ 1

ՉԱՓՈՐՈՇԻՉՆԵՐԸ ԳՈՐԾՈՂՈՒԹՅԱՆ ՄԵՋ. ՁԵՌՔԲԵՐՈՒՄՆԵՐ ԵՎ ԴԺՎԱՐՈՒԹՅՈՒՆՆԵՐ

Համաշխարհային արդի զարգացումները իրենց անմիջական ներգործությունն են ունենում կրթական համակարգի վրա՝ առաջադրելով տարատեսակ խնդիրներ:

Աճում է կրթության դերը՝ միաժամանակ կրթությունը վերաճում է մի գործոնի, որը նպաստում է հասարակության մեջ մարդու դերի առավել արժևորմանը՝ զարգացնելով համակեցության, հանդուրժողականության, համագործակցության և արժեքային որակների:

Հայաստանի Հանրապետությունում ձևավորվում է ժողովրդավարության և ազատական տնտեսության վրա հենվող քաղաքացիական հասարակություն: Կյանքի բոլոր ոլորտներում տեղի են ունենում համակարգային փոփոխություններ, որոնք պայմանավորված են ոչ միայն ազգային առանձնահատկություններով, այլև համաշխարհային զարգացումներին բնորոշ աշխարհագրական, ժողովրդագրական, մշակութային և սոցիալական գործոններով: Հետևաբար, կրթության ոլորտում էապես կարևորվում է այն հարցը, թե ոչ միայն հարկ է խթանել յուրաքանչյուր անհատի ստեղծագործական ներուժի զարգացումը, այլև նրանում հարգալից վերաբերմունք դաստիարակել այլոց ազգային արժանիքների հանդեպ, սովորեցնել ճանաչել և գնահատել աշխարհին իր բազմազանության մեջ, երիտասարդ սերնդին ներարկել համակեցության և ստեղծագործ համագործակցության ձգտումներ:

Հայաստանի Հանրապետությունում հանրակրթության բովանդակության և ուսումնական գործընթացի ժամանակակից կրթական պահանջներից են գործող չափորոշիչները, առարկայական ծրագրերն ու դասագրքերը, և գնահատման համակարգը:

Հանրակրթության պետական չափորոշիչը նորմատիվ փաստաթուղթ է, որը սահմանում է՝

- ✚ Հանրակրթական հիմնական ծրագրերի բովանդակության պարտադիր նվազագույնը,
- ✚ Կրթական ծրագրի առավելագույն ծավալը,
- ✚ Ըստ կրթական մակարդակների՝ շրջանավարտներին ներկայացվող ընդհանրական որակական պահանջները,
- ✚ Սովորողների գնահատման համակարգը,

Հանրակրթության պետական չափորոշիչը ելնում է կարողունակությունների վրա հիմնված մոտեցումներից և սահմանում է՝

-  շրջանավարտներին ներկայացվող որակական պահանջները՝ ըստ կրթական աստիճանների
-  ուսումնական բնագավառները, դրանց բովանդակությանը ներկայացվող պահանջները
-  հանրակրթական հիմնական ծրագրերի բովանդակության պարտադիր նվազագույնը
-  ուսումնական պլանի և առարկայացանկերի ձևավորման հիմնական սկզբունքները
-  սովորողների գնահատման ձևերը, սանդղակը, հաշվառման կարգը:

Ուսուցչի համար դասերի պլանավորման հիմնական ուղենիշը պետք է լինի չափորոշիչը: Ճիշտ և հստակ պլանավորումը լայն հնարավորություն է ստեղծում ուսուցումն ավելի արդյունավետ և նպատակային կազմակերպելու համար:

Պետական կրթական չափորոշիչը նվազագույն կրթական մակարդակի և սովորողների ուսումնական ծանրաբեռնվածության առավելագույն որոշող պահանջների ամբողջությունն է:

Չափորոշչի պահանջները պարտադիր են հանրակրթական հիմնական և այլընտրանքային ծրագրերի, այդ թվում՝ առարկայական ծրագրերի, ուսումնական պլանների, դասագրքերի և բովանդակությանն առնչվող այլ ուսումնական նյութերի համար: Պարտադիր պահանջ է հանրակրթական ծրագրեր իրականացնող ուսումնական հաստատությունների համար՝ անկախ դրանց կազմակերպական-իրավական ձևից և ենթակայությունից:

Կրթության բովանդակությունն ըստ հանրակրթական պետական չափորոշչի կազմում են՝ հանրակրթության ընդհանուր նպատակներին համապատասխան ընտրված սովորողի կողմից յուրացման համար նախատեսված գիտական գիտելիքները, մանկավարժորեն և հոգեբանորեն հարմարեցված սոցիալական փորձը, մշակութային, բարոյական և գեղագիտական համամարդկային արժեքները: Յուրաքանչյուր ուսումնական բնագավառ ներկայացվում է կրթության բովանդակային բաղադրիչի միջոցով:

ա. Գիտելիքների համակարգ
բ. Կարողունակություններ և հմտություններ
գ. Ճանաչողական , տրամաբանական
դ. Հաղորդակցական
ե. Համագործակցային
զ. Ստեղծագործական
է. Ինքնուրույն գործունեության՝
ը. Արժեքային համակարգ

ԳԼՈՒԽ 2

ա Գիտելիքների համակարգ

Արմատական հարցը, որ վերաբերում է գիտելիքին. հետևյալն է բնութագրիչներով է որոշվում այն գիտելիքի համակարգը, որ ներառվել է կրթության բովանդակության մեջ: ՀՀ հանրակրթական պետական կրթակարգը հնարավորություն է ընձեռում, չբացառելով մյուս բնութագրիչների դերը ընդունել որպես առաջատար բնութագրիչներ կիրառելիությունը, կառուցելիությունը և հասանելիությունը:

Կիրառելիության պահանջը դիտվում է որպես անհրաժեշտ նախ և առաջ ամենօրյա կյանքում:

Կառուցելիության բնութագրիչը վերաբերում է գիտելիքի ներկայացման ձևին. հարցն այն է, որ գիտելիքը մատուցվում է որպես պատրաստի արդյունք, թե որպես հայտնաբերության ընթացք: Շեշտադրումը պետք է փոխադրվի հայտնաբերության վրա: Հասանելիությունը վերաբերում է գիտելիքների հաջորդական պլանավորմանը՝ սովորողների զարգացմանը համապատասխան:

բ Կարողունակություններ և հմտություններ

Պատմական ակնարկ

<<Կարողունակություն>> (կոմպետենցիա) եզրույթը մանկավարժական գրականության մեջ սկսվել է շրջանառվել XX դարի 70-80 ական թվականներից, երբ արևմտյան երկրներում և ԱՄՆ -ում սկսեցին լրջորեն քննադատել կրթության նպատակներն ու բովանդակության ձևավորման մոտեցումները: Արագ փոխվող կյանքը, գիտությունը և տեխնիկայի զարգացումը մասնագետներից պահանջում էին աշխատանքային շուկային արագ հարմարվելու ձկունություն:

Ամերիկյան հետազոտողները պարզեցին, որ շատ հաճախ մարդկանց ինտելեկտի բարձր աստիճանը մասնագիտության գործունեության ընթացքում մնում է չիրականացված: Այդ ժամանակներում լայն տարածված IQ թեստերը, որոնցով չափում էին մարդու իմացական մակարդակը չէին երաշխավորում նրա մասնագիտական հաջող գործունեությունը: Թեստը տալիս էր բարձր արդյունք, մինչդեռ իրական կյանքում մարդը ցածր արդյունավետությամբ էր աշխատում:

Այս բաղադրիչով տրված կարողությունների և հմտությունների ամբողջությունը սովորողին հնարավորություն է ընձեռնում գործնականում կիրառել ստացած գիտելիքները, հարստացնել ճանաչողական գործունեության սեփական փորձը,

զարգացնել տրամաբանական, հաղորդակցական, համագործակցային, ինքնուրույն գործունեության և ստեղծագործական ունակությունները:

Չափորոշիչներում առանձնակի կարևորվում են ճանաչողական հետևյալ մեթոդները՝ վերլուծում, մասնավորում, համադրում, վերացարկում, անդրադարձում, մակաձում (ինդուկցիա), արտաձում(դեդուկցիա), ընդհանրացում, կանխատեսում: Հաղորդակցական կարողություններ և հմտություններ ենթաբաժնի նպատակն է, որ յուրաքանչյուր սովորող կարողանա՝

1. լսել, ընկալել և համարժեք վերաբերմունք դրսևորել
2. բանավիճել, բանավոր և գրավոր խոսք կառուցել
3. սովորել և սովորեցնել
4. օգտվել ժամանակակից հաղորդակցման միջոցներից
5. ընկալել և ընդունել նյութական և հոգևոր նոր արժեքները
6. դրական հարաբերություններ ստեղծել, դրսևորել առողջ մրցակցություն

Կարողունակությունները սովորողի կողմից ուսումնառության և դաստիարակության գործընթացում ձեռք բերված գիտելիքի, արժեքների, հմտությունների և դիրքորոշումների հիման վրա ըստ իրավիճակի արդյունավետ ու պատշաճ արձաքանքելու ձևերն են:

Ընդհանուր առմամբ կարողունակությունները չի կարելի համարել վերջնականապես ձևավորված որևէ արդյունք : Այն շարունակական գործընթաց է ,որի ժամանակ նշված որակները անընդհատ կարող են կատարելագործվել: Դրանց ձևավորումը սկսում է դպրոցից և շարունակվում ամբողջ կյանքի ընթացքում:

Ի՞նչ է կարողունակությունը

Ներկայում չկա կոմպետենցիա հասկացության միարժեք սահմանումը:



ընդհանուր առմամբ դրա տակ հասկանում են **գիտելիքների, հմտությունների, վերաբերմունքի և արժեքների** համակարգ:

Ներկայում աշխարհի շատ զարգացած երկրներում կրթության կազմակերպման ռազմավարություն է կարողունակությունների վրա հիմնված ուսումնառությունը:

գ. Ճանաչողական տրամադանական կարողություններ

Այս ենթաբաժնի նպատակն է սովորողին ծանոթացնել ճանաչողության մեթոդներին և ձևավորել դրանք գործնականում կիրառելու կարողություններ: Գիտելիքներ ձեռք բերել զգայական ընկալման և մտապատկերման միջոցով, վերլուծել, քննարկման, մեկնաբանման, տարանջատման, համեմատության, խմբավորման միջոցով: Դրսևորի հարգանք, ազնվություն, պատասխանատվություն ինչպես սեփական անձի, արնպես էլ այլոց հանդեպ: Մոցիալական հարաբերությունում գործի կառուցողականություն և համերաշխություն, դրսևորի ընկերակցելու ունակություն և կոնֆլիկտների խաղաղ և համագործակցային կարգավորման հմտություններ:

դ. Հաղորդակցական կարողություններ

Այս ենթաբաղադրիչի նպատակն է, որ ուսումնառության արդյունքում յուրաքանչյուր սովորող կարողանալ լսել, ընկալել և համապատասխան վերաբերմունք դրսևորել, բանավիճել, տեղին օգտագործել սովորած տերմինները, օգտվել ժամանակակից տեխնիկական միջոցներից:



ե. Համագործակցային կարողություններ

Այս բաղադրիչի նպատակն է՝ աշխատել խմբում, միասնական որոշումներ ընդունել, սովորել սովորեցնել, դրսևորել առողջ մրցակցություն, սեփական շահը գիտակցելով՝ ճանաչել ուրիշների շահը, լինել բարեկիրթ, հարգել գործընկերոջ - իրավունքները, բախումային իրավիճակներում դրսևորել հավասարակշռված պահվածք:



գ. Ստեղծագործական կարողություններ

Նպատակ ունի զարգացնել սովորողի ստեղծագործական ընդունակություններն ու երևակայությունը, որպեսզի յուրաքանչյուր սովորող կարողանա ստեղծագործաբար կիրառել ձեռք բերած գիտելիքները, ընկալել և ընդունել հոգևոր նոր արժեքներ, անաչառ գնահատել սեփական ուժերն ու կարողությունները:



է. Ինքնուրույն գործունեություն

Նպատակ է հետապնդում որ յուրաքանչյուր սովորող կարողանա խնամել սեփական մարմինը, դրսևորել այն մարզելու կամք, ճիշտ տնօրինել ժամանակը, մշակել աշխատանքի և հանգստի ռեժիմ,գրադվել ինքնադաստիարակությամբ և ինքնակրթությամբ, կողմնորոշվել տարբեր իրավիճակներում, գնահատել սեփական քայլերի հետևանքները



ը.Արժեքային համակարգ

Այս բաղադրիչի նպատակն է ձևավորել անձ և քաղաքացի, որը պետք է՝ գիտակցի սեփական մշակույթի, լեզվի, պատմության, արվեստի, ավանդույթների, ազգային արժեքների կարևորությունն ու նշանակությունը լինի դրանց կրողը, հարգի Հայաստանի պետական խորհրդանիշները, լինի հայրենասեր, կարևորի ազգային հիմնախնդիրների լուծման գործում իր մասնակցության անհրաժեշտությունը, գիտակցի որ գիտությունը , արդիական տեխնոլոգիաները,կրթությունը , մեծագույն արժեքներն են ժամանակակից աշխարհում, կարևորի բարոյական չափանիշները և քրիստոնեական ու համամարդկային արժեքները, լինի ազնիվ, արդար, գթասիրտ, արդարամիտ, օրինապահ,բարեկիրթ, կարևորի գեղագիտական արժեքները, գնահատի գեղեցիկը, հարգի մարդու իրավունքները, գիտակցի իր տեղն ու դերը

ընտանիքում և հասարակության մեջ, լինի նանախաձեռնող, դրսևորի արժանավայել պահվածք, անաչառորեն գնահատի իր ուժերն ու կարողությունները, մշտապես հոգ տանի իր առողջության մասին, կարևորի մարմանակրթության դերը, հետևողական լինի առողջ ապրելակերպի և անվտանգության կանոններին:



ԵԶՐԱԿԱՅՈՒԹՅՈՒՆ

Ձեռքբերումներ և դժվարություններ.

Արմատական հարցը, որը վերաբերում է առհասարակ գիտելիքի նկատմամբ մոտեցմանը, հետևյալն է. ինչ բնութագրիչներով է որոշվում այն գիտելիքի համակարգը, որը ներառում է կրթության մեջ: Ասենք, որ դա մանկավարժության մեջ շարունակաբար բարձրացող հարց է, իսկ ժամանակակից կրթական հայեցակարգերում արտահայտվում են տարբեր տեսակետներ: ՀՀ հանրակրթական պետական կրթակարգը հնարավորություն է ընձեռում, չբացառելով մյուս բնութագրիչների և սկզբունքների դերը, որպես առաջատար բնութագրիչներ ընդունել գիտելիքի կիրառելիությունը, կառուցելիությունը և հասանելիությունը:

**ԿՐԹԱԿԱՆ ՀԱՄԱԿԱՐԳՈՒՄ ԿԱՐԵՎՈՐԱԳՈՒՅՆ ՁԵՌՔԲԵՐՈՒՄ ԵՄ ՀԱՄԱՐՈՒՄ
ԳԻՏԵԼԻՔԻ ՆԿԱՏՄԱՄԲ ԿԻՐԱՌԵԼԻՈՒԹՅԱՆ ՊԱՀԱՆՁԸ ՆԱԽ ԵՎ ԱՌԱՋ
ԱՄԵՆՕՐՅԱ ԿՅԱՆՔՈՒՄ:**

Գրականության ցանկ

1. Ա. Գասպարյան, Ա. Բալայան, Գ. Պողոսյան, Դ. Գրիգորյան, Ն. Գևորգյան, Ս. Պողոսյան, Վ. Պուրուկուրու, Համագործակցային ուսուցում , ձեռնարկ, Երևան, Անտարես 2006
2. Հայաստանի Հանրապետության հանրակրթական պետական չափորոշիչ:
3. Ուսումնական հաստատության դասղեկի աշխատանքային տարեկան ծրագիր (մատյանից քաղվածքներ):
4. <https://escs.am>.
5. kznakhimnadram.blogspot.com

